

Ленинэнь киява

ВЛКСМ-нь Мокшэрзянь обкомонтъ ды Саранскоень ошонь комитетэнь газетаст

ИЮЛЕНЬ

23 чн,

1937 ие

№ 83 (757)

ЛКСИ

7-це ие
чинь ютазь

РЕВОЛЮЦИАНТЪ ВЕРНОЙ СТРАЖ

Ленинской комсомолось, советской од ломантне вейсэ минек весе масторонтъ марто покш мельсэ евтуть поздоровт государственной безопасностень генеральной комиссаронтень Н. И. Ежов ялгантень, конанень минек правительствась макссь заслуженной казне. Внутренней тевтень Народной Комиссариатонтъ славной руководителесь правительственной заданиятень топавтомань коряс НКВД-нь органтинь велямонь тевсэнтъ пек покш ды паро успехтень кис казезь сех покш казнесь—Ленинэнь орденсэ.

Внутренней тевтень Наркомонтъ Н. И. Ежовонь пек парсте содасы советской народось. Большевистской партиянтъ ды сонзэ сталинской Центральной Комитетэнтъ велямонзо коряс, минек правительстванть велямонзо коряс, славной наркомвнуделецтне, конатнень прятвост Ежов ялгась, муизь ды тапизь-калавтызь подлой врагтнень салавань пизест. Покш подпольясто нурька шкань перть таргазь вредительть, шпионт, диверсантт, конатнень минек тылтнэс кучизь буржуазной государстватне. Советской разведкась нурька шкань перть парализовал разветвленной вражской агентуранть действиятень, сезизе деятельности троцкистской, бухаринской ды лия предательтнень, конат ульнесь службасо японо-германской фашизманть кедьсэ.

Врагтне кундазь поличной марто. Сыист мелест-бажамост таргазь лангс. Буржуазной разведканть весе ухищрениятне, весе опытьсэ ней уш тапазь эли кармить улеме тапазь секс, што советской разведканть, НКВД-нь органтинь кассь бдительностест, конатнень прятвокс ашти Ежов ялгась, сонзэ валозо жо зярдояк а явовкшны тевенть эйстэ.

Народонтъ верной оясь Ежов ялгась атак сизе вети ванькскалгавтомань пек покш робота, бдительностэ вансты минек масторонтъ революционной порядоконтъ. Внутренней тевтень Народной Комиссаронтъ сонсь лемезэ кармась улеме бдительностень символкс. Н. И. Ежов эсинзэ эйсэ воплощает большевикень сех вадря качестватнень—железной непримиримостенть, большевистской страстностенть, пек сарей партийностенть, покш чуткостенть ды скромностенть. Сон, Н. И. Ежов эсинзэ примерсэзэ весе народонтъ кепеди врагтнень каршо бороцямом. Ды весе народось, советской весе од ломантне, наркомвнуделецтнень сынст стака ды благородной роботасост тест лездемо бажазь, Внутренней тев-

тнень Народной Комиссаронтъ пельде тонавтнить бдительностентень, врагонтъ содамонть ды сонзэ лангс таргамонть.

Советской разведкась сеньсэ самая виевгак, што сон нежеди народонтъ лангс, што сонензэ лездить весе трудицятне. Ды ней, зядро пек покш роботанть, конань ютавтывзе Н. И. Ежов, правительствась тешксты сех покш казнесь, советской од ломантне, ленинской комсомолось эпо вестъ невтить эсист анок-чист врагтнень каршо бороцямосонтъ, эщо вестъ невтить эсист анок чист эсист эрва чинь роботасост НКВД-нь органтинень активностэ лездемосонтъ.

Советской од ломантнень сознаниясост толонь буквасо тешкстазь сталинской указаниясь:

„Эрви мельсэ кирдемс ды зярдояк а стувтнемс, што капиталистической окружениясь ашти основной фактокс, кона определяет Советской Союзонтъ международной положениязо.

Мельсэ кирдемс ды зярдояк а стувтнемс, што зярс ули капиталистической окружения,—кармить улеме вредительтькак, диверсанткак, шпионткак, террористкак, конатнень Советской Союзонтъ тылтнэс кучгнить омбо масторонь государстватнень разведывательной органтинь, тень кувалт мельсэ кирдемс ды велямс бороцямом сеть ялгатнень каршо, конат мезекскак а ловить капиталистической окружениянь фактонть, конат мезекскак а ловить вредительстванть виензэ ды значениянзэ“.

Советской патриоттнень миллионт сельть бдительностэ вешнить врагтнень, конат эщо кекшезь аштекшнить эсист тайниктнесэ. Революциянь верной страженъ, внутренней тевтень сталинской наркомонтъ улить кемевикс лездем-цяно эрва цехсэнтъ, эрва колхозонтъ—советской весе народось ашти государственной безопасностенть стражсо! Ды кодаткак шпионтнень ды диверсантнень, минек родинанть троцкистской, бухаринской ды кодаткак лият врагтненьгак а лоткавтови ике-лев минек молеманок.

Поздоровт ды поздравленият Сталин ялганть верной саратникентень, НКВД-нь славной руководителентень Ежов ялгантень! Кадык сорнить врагтне, кадык содыть сын, што советской разведкась, конань вети сталинской талантливой ученикесь, мусынзе ды тапасынзе сынст, кода бу пек томкасто сын авольть кекштне эсист рудазов норатнес!

(„Комсомольская Правда“ газетанть июлень 18-це чинь икельсэ статья).

Ф. ДЗЕРЖИНСКИЙ

(Ф. Держинскоень куломадо)

Фрунзедэ мейле—Держинский.

Ленинской сыре гвардиясь емавтсь сехте вадря руководителентень ды боецтнень ютксто эщо вейке. Партиянтень теевсь эщо вейке а полавтовикс емавкс.

Зядро ней, панжадо кандо лазонтъ вакссо, ледстият Держинскоень весе ютазь кинть—тюрьматнень, каторганть, ссылканть, контр-революциянтъ каршо бороцямонь коряс Чрезвычайной Комиссиянтъ, калавтозь транспортонтъ восстановлениязо, социалистической од промышленностентъ восстановлениязо,—ули мель вейке валсо евамс лакиця те эрмонтъ: палом. Стакатнень каршо бороцямом палом ды геройской отвага.

Октябрьской революциясь аравтызе сонзэ стака пост лангс,—контрреволюциянтъ каршо бороцямонь коряс Чрезвычайной Комиссиянтъ руководителень пост лангс. Буржуазиясь эзь сода седе а вечкевикс лем, Держинскоень лементъ коряс, кона стальной кедьсэ тапиль пролетарской революциянь врагтнень вачкодкесэст. Буржуазиянтъ гроза—вана мезекс ульнесь Феликс Держинский.

„Мирной эпоха“. Держинский палы, росстроеной транспортонтъ одкс теезь, мейле жо Народной Хозяйствань Высший Советэнтъ председателекс роботамсто палы минек промышленностентъ строительствань роботасонтъ. Оймсемань атак сода, кодамояк черновой роботадо атак пеле, весе эсинзэ виентъ, весе эсинзэ энергиянзо тевентень максозь, конанть сонензэ кемилize партиясь,—сон палсь бурной роботасо пролетариатонтъ лезэс.

Прощтай, Октябryanь герой!

Прощтай, партиянтъ верной цера!

Прощтай, минек партиянтъ единстванзо ды виензэ строицясь!

И. СТАЛИН.

1926 нень июлень 22 чн.

РЕВОЛЮЦИЯНЬ РЫЦАРЬ



Тосо закалялся те пламенной борцась, революциянь кшнинь солдатось, Ленинэнь—Сталинэнь партиянтень безгранично преданноссь.

Зядро советской масторось лепились белогвардейщинань ды интервенциянь кольцясонть, зядро контрреволюционной заговорщиктне организовакшность мятежт,—Держинской ульнесь аравтозь контр-революциянтъ каршо бороцямонь коряс Всероссийской Чрезвычайной Комиссиянтъ прятвокс. Чекистась Держинский эзь сода врагтнень жаломо. Держинский ульнесь революциянтъ разящий мечекс.

Сообщениянь Наркоматсо, Народной Хозяйствань Высшей Советсэ роботамсто, Держинский пеле-пес кадовкстомо весе эсинэ эрмонзо макснize рабочей классонтень, макснize советской масторонтень, социализмань строительстванть. Держинский эрва косо, косо сон роботась, ульнесь пек веместэ сколмазь массатнень марто. Массатнень пек вадря поддержкаст коряс, массатнень лездемост коряс сон таргась лангс народонь врагтнень ды пощадавтомо маштнесь сынст.

Трудица массатне ледасть сообщениянь кинь народной комиссаронтень Держинскойнень таргсемс транспортсо разрухань юротнень. Трудицятне пек покш энтузиазма марто кшнинь Феликсэнь руководстванзо коряс бородасть сонзэ марто кедьте-кедьсэ минек промышленностентъ восстановлениязо фронтонтъ.

Держинскоень, изумительной те, боец-революционерэнтъ, кона палсь роботасо, суровой ды яркой шаchosь, ашти весень минек туртов большевикень об-разецекс.

Держинскоень эрмомо невити миненек кодамо энтузиазма марто, кодамо тол марто эрва большевикесь должен бороцямс революциянь врагтнень каршо, на-родонь врагтне каршо.

Кевийкее не ютазь се шкастонть, кода кудось революциянь рыцаресь Феликс Держинский. Сон кулось седеенъ разрывде седе мейле, зядро евтась ЦК-нь ды ЦКК-нь пленумсо пек виев, взволнованной вал, конась нолдазь подлой предательтнень ды изменниктнень—Троцкоень, Зиновьевень, Каменевень, фашизмань презренной слугатнень каршо, конатне бородасть ленинско-сталинской Центральной Комитетанть генеральной линиянзо каршо, капитализмань реставрациянтъ кис.

Партиянтъ единствадо заботимось, врагтнень каршо непримиримой бороцямось составляли Держинский ялганть эрмонь весе смысланть. Эсинзэ эрмонь малавчетвертентъ перть Держинский ульнесь нязоронь тюрьматнесэ ды ссылкатнесэ.

Од кочкицянть СССР-нь Верховной Советс кочкамотнеде

Мекс кочкамотне минек равнойть

Сталинской Конституциянь коряс ССР-нь Союзонть весе эрицятненень максоэ кочкамонь равной права.

Те правась ашти сень эйсэ, што:

1. Эрва гражданинэнь ули вейке вайгелезэ.

2. Весе граждантиэ кочкамотнесэ участвуют равной основаниятнесэ.

Кочкамонь праванть тевс ютавомасонзо киньгак арась кодатак преимуществанзо ды киньгак а карми улеми ущерб. Социалистической государстваонть истямокс ашти кочкамонь незыблемой законсь. Сон трудицятнен депутаттнень Советтнэс кочкамотнесэ максы, робочеенть ды крестьяннень вайгелтнень вейкетть-чи, советской эрва гражданинэнь вайгелень вейкетть-чи.

Кочкамонь алкукс равной права арась капиталистической вейкеяк государстваво. А мезьт уш кортамскак фашистской государствавенеде, сон (кочкамонь равной правась) арась буржуазной мик сеть государствавтнесяк, косо эщоулить буржуазной демократиянь ды демократической конституциянь кочкамотнесэ.

Истя, Англиясо ламо кочкицятнень улить кавто вайгелест: вейкесь эрямо таркань коряс, омбоцесь—се таркань коряс, косот сынст промышленной элиторговой заведенийст. Чаркодеви, што робочейтнень истямо преимущество арась. Ансяк промышленной ды торговой предприятиянь собственниктнень, лиякс меремс капиталистнень улить кочкамонь кавто вайгелест.

Кочкамонь „равной“ правась, кона яволявтоз буржуазной койкона мастортнень конституциясост, алкуксонь тевс ашти аволь равнойкс. Те лисни секс, што тейнить кочкамонь аволь вейкетть округт.

Истя, примеркс, США-со эрва штатось, сень лангс апок ваном, зяро тосо эрицятнеде, сенатов кочки кавтонь кавтонь депутатт. Кодамо уш тесэ равенства? Кочкамотне а карми улеми равнойкс, бути ламо миллион эриця марто Нью-Йоркось кочки зяро жо депутатт, зяро кочки лия штаттнэяк, косо эрицятнеде сядоксть седе аламо.

Теке жо ашти характернойкс Франциясо кочкамонь порядкатнень туртов. Франциясо кочкамонь округтнень тейнить истя, што сынст эйстэ веестнэсэ эрицятнеде 12 тышат ломанть, омбонстнэсэ—100 тышад ламо. Теке марто кочкамонь эрва округось парламентс кочки вейте-вейте депутат. Истямо „кочкамонь географиянь“ кувалт лисни, што Франциясо кочкамонь коряс веленьхозяйственной 10 сех вишкине округтнэ, косо эрицятнеде 313 тышат ломанть, парламентэв кучить зяро жо депутатт, зяро кучить промышленной 10 покш округтнэ, косо эрицятнеде 1 миллион 239 тышат ломанть.

Истят порядкат улить капиталистической сех ламо мастортнэсэ. Робочей районтнень ули праваст парламентс кучнемс седе аламо депутатт сень коряс, зяро кучить буржуазной „таркинетне“ эли

удалов кадовозь аграрной районтнэ, конатнесэ пек покш политической влияниест реакционертнень—помещиктнень, поптнень ды чиновниктнень.

Капиталистической мастортнэсэ истя жо керсить национальной меньшинстватнень кочкамонь праваст. Истя, примеркс, Польшасо Краковской округось кучни вейке депутат 48 тышат кочкицятнень пельде, Ключенецкой округось жо, косо эрицятнень эйстэ сех ламотне украинецт, кучни вейке депутат 96 тышат кочкицятнень пельде. Лисни, што польской вейке вайгелесь тосо равняется украинской кавто вайгелесь.

Ансяк Советтнэнь масторсонть кочкамонь законсь максы алкукс вейкетть (равной) кочкамот.

Советской масторсонть кочкамонь округтнень а вейкетть-чи арась. Союзонть Советс кочкамотнестэ кочкамонь округось тееви истямо принципень коряс: округонтень 300.000 эрицят—куш ошсо, куш велесэ. Теке марто кочкамонь эрва округось кучи вейке депутат. Секс лиси, што робочейтнеяк, крестьянтнэяк кочкамотнесэ участвуют равной основаниятнень коряс.

Истя СССР-нь весе граждантинень максови равенства Союзонть Советс кочкамотнесэ, кона (Союзонть Советэс) представляет весе трудицятнень общей интересэст, сынст национальностест лангс апок ваном.

Национальностьтнень Советэнтэ задачкас ашти се, штобу отражать **особой**, специфической интерестнень, конат сюлмавозь СССР-нь народтнень национальной особенностьтнень марто Секс кочкамонь законсь максы Национальностьтнень Советэнтэ кочкамото союзной весе республикатнень равенства, автономной весе областьтнень равенства, национальной весе округтнень равенства, сень лангс апок ваном, зяро ломанть тосо эрить.

Те тееви сеньсэ, што Национальностьтнень Советэнтень союзной весе республикатне кучить комсьветенень-комсьветенень депутатт, автономной весе республикатне—кевийкеень-кевийкеень депутатт, автономной весе областьтне—ветень-ветень депутатт, национальной весе округтнэ—вейкен-вейкен депутатт. Истямо ладсо, СССР-нь весе национальностьтнень интересэст Национальностьтнень Советэнтэ представленнойть полной равенствань коряс, сынст эйстэ конаненьгак а ули кодаможк ущерб СССР-нь ламо эриця марто народтнэньгак, а ламо эриця марто народтнэньгак улить политической вейкетть праваст.

Социалистической государствасонть кочкамонь законсь алкукс лезды тевс ютавомс СССР-нь граждантинень кочкамонь праванть, кона сермадозь Сталинской Конституциясонть. Истямо, алкукс равной, кочкамонь права а соды буржуазной вейкеяк государства.

(„Комсомольская Правда“).

ЛЕНИНЭНЬ ОРДЕНСЭ
А. Я. ВЫШИНСКИЙ ЯЛГАНТЬ НАГРАЖДЕНИЯСЯ
СССР-нь Центральной Исполнительной Комитетэс тейсь постановления революционной законностень ды прокуратурань органдтнэ кемекстамонь коряс успешной роботань кис наградить А. Я. Вышинский ялганть Ленинэнь орденсэ.

— о о о —
Заклученнойтнень—Москов—
Волга каналонь строиятнень олас нолдамось

Димитров. Кода содазь, правительство постановил шкадо икеле нолдам олас Москов—Волга каналонь строямсто ударной роботань кис 55 тышат заключеннойть. 48 тышат ломанть уш нолдазь олас.

Советской Масторонь эрва кодат районтнэс икелень заключеннойтнень кучнеманть туртов организоваз специальной эвакуационной пунктт. Тесэ ларектнэстэ ды магазинтнэстэ сын могуть рамамс карсема ды оршамо пельть, ярасмо пельть. Эрвантень максови питневатне проездной билет ды ярмаконь казне 100—500 целковойть.

— о о о —
СССР-нь ЦИК-сэ

СССР-нь Центральной Исполнительной Комитетэс путсь Москов—Рав каналонть строямосонзо пек покш успехтнэнь кис каземс:

Ленинэнь орденсэ — 42 ломанть,
Красной Звездань орденсэ — 25 ломанть,
Трудовой Красной Знамянь орденсэ — 208 ломанть,
Знак Почета орденсэ — 129 ломанть.

Абысов П. Д. Якстереармеецэнтэ мужествоанть ды самоотверженностень кис, конань сон невтизе советской границатнень ванстомсто, — СССР-нь ЦИК-сэ казизе „Знак Почета“ орденсэ.

ГЕОЛОГТНЭНЬ МЕЖДУНАРОДНОЙ XVII-це КОНГРЕСС

Июлень 21 чистэ Московсо панжовсь международной геологической конгрессэнь XVII-це сессия.

Конгрессэнь 16 сессиясонть, кона ульнесь Америкасо, пурнавкшность 265 иностранецт ды американской 700 ламо геологт. Московсо конгрессэнь XVII-це сессиясонть карми участвовать советской 600 геологт ды 400 ламо лия масторсто. Сынст ютксо—мировой ламо покш ученый.

Конгрессэнтэ основной темазо—нефтань проблемась ды сонзэ (нефтанть) мировой запастнень ловомась. Вестьяк эщо те проблемась арасель аравтоз истя келейстэ, кода сон ули аравтоз XVII-це сессиясонть.

Улить толковазь вопростнэ: нефтань шачома таркатнень образованиядо, нефтань происхождения-



Июлень 14-це чистэ „АНТ-25“ самолетсонть отважной советской летчиктнэ Громов, Юмашев ды Данилин ялгантне блестяще прыдызь Москов—Пелеве ено полюс—Американь Соединенной Штатт героической ливтямонть ды тейсь мировой од рекорд прямоенть коряс васов ливтямосонть. Сын валгсь Лос-Анжелос ды Сан-Диегонть ютксо Сан-Джасинто ошонть мала (Калифорниянь штат).

СНИМКАСОНТЬ: Громов, Юмашев ды Данилин ялгантнень ливтямонь маршрутной картаст.

Союзфото.

до ды сехте пек сонзэ запастнень ловомань методикадонть, конанть разработали советской ученыйтне.

Советской Союзсо нефтась муезь истят районтнэсэ, конатнень лангс икеле эзьт яво кодаможк мель, примеркс, Средней Азиясо, Сибирьсэ, Украинской ССР-сэ, Приуральясо, Северной Кавказсо.

Те теманть коряс конгрессэнтэ улить теезь 26 докладт.

Конгрессэнтэ омбоце важной темак карми улеми каменоугольной месторождениятнень геологиясь. Конгрессэнтэ эйсэ уголиянь вопросонть коряс улить кувсолэз 23 докладт.

Конгрессэсэ Арктикань геологиядо кувсолы 16 докладт, сынст ютксо—Советской Союзонь героентэ О. Ю. Шмидтэнь докладось.

Пионертнэ молить лагерев

Чукала велесэ панжовсь пионерэнь оздоровительной лагерь. Лагерентень кенярдозь молить оймсеме пионертнэ. Истя жо паромельсэ, кенярдозь молить оймсеме лагерев Пикшнянь аволь полной редней школань пионер-отрядонь

пионертнэ Абрамов Вася, Туршатов Лена, Доронин Пети. Сын лагерьсэ туемадост икелев уш арсить седе, кодат книгат ловномстенст лагерьсэ.

П. Любаев.

Б.-Игнатовань р-н.

ДОКЛАДОСЬ ТЕЕЗЬ ЛАВШОСТО

Отчетно-кочкамонь промксомть, кона ульнесь июлень колмоде чисте, Пикшнянь комсомолетнэ сехте пек критиковать комсоргонть Н. Х. Соболякинэнь. Сон овси лавшосто анокстась эсь докладонзо, эзь корта комсомольской организацианть конкретной тевдензэ, эзь критикова эсинзэ берянь роботанзо.

1937 иенть перть весемезэ сезезь 15 политзанятия. Комсомольской хозяйстванть кирдсь эсинзэ кудосо. Комсомолетнэнь порученият эзь макстне. Промксонь решеният не эзь топавтневе. Комсомолетнэнь ды од ломантнень ютксо оборонно-физкультурной работа кияк а вети. Вейкеяк комсомолец эсинзэ макст норматнень ПВХО

ды Ворошиловской стрелок значоктнэнь лангс.

Теез эряви чумондомс парторганизациянтяк, кона овси эзь лезда комсомольской организацианть. Парторгось жо Тулисов лезксэнь таркас—лепштысь критиканть эйсэ.

Трактористкась Дивейкина эсинзэ выступлениясонзо кеместэ критиковась комсомольской ды партийной организацианть трактористтнэнь ютксо политико-воспитательной роботань а ветямонть кис.

Промксось закрытой (тайной) голосованиясо комсоргокс кочкизе Ф. М. Сенаевень.

С—ов.

Игнатовань район.

Колмо иес—вейке отчет

Июлень 15-це чистэ Дадавь первичной комсомольской организациасо ульнесь ютавтозь отчетно-кочкамонь промкс.

Колмо иень перть комсоргось Яшин В. тейсь васенцеде отчет эсь комсомолетнэ икеле. Сексте организацианть критикась ды самокритикась арасель, секс Яшин ветясь администраторской руководства ды а содылинзе комсомолетнэнь. Сон евтась, зяро ульнест 1935-це иестэ весемезэ комсомолетнэде, косот остаткатне ды лият. Валгак эзь ефта эсь придонзо, асатыкстэнзэ ды арсесь мик асатыкстнэнь кекшемс.

Яшин евтннзэ, зяро ульнест колмо иес комсомолонь промкст, политзанятият ды лият. Кодат жо рещаэ ульнест вопроснэ, кодат

тема ютазель политзанятиясо—валгак эзь ефта. Тень комсомолетнэ чаркодизь ды пек критиковизь комсоргонть роботанзо.

Вана комсомолетнэ Яшин П. корты: „Политкружоконь руководителесь Яшин В. Ф. политзанятиянтнэ сезиль сонсь. Комсомолетнэ якильть кисэнзэ кудос, штобу сон саволь занятиянь ветямо, но сон мериль: „монень течи а ютко. А молян“.

Прениясо кортнест 4 комсомолет. Сын пек критиковизь комсоргонть Яшинэнь роботанзо. Комсоргонть роботанзо ловизь аволь удовлетворительнойкс ды закрытой (тайной) голосованиясо кочкизь комсоргокс Арбузовень.

А. Ф. Левкин.

Атяшевань р. н.

Разложившийся комсомолец

Андреевка велень Ворошиловлемсэ колхозонь комсомольской организацианть отчетно-кочкамонь промксонть видестэ тейсь комсомолонь члентнэ, тайной голосованиясо одов эзизь кочка икелень комсоргонть Мельниковонь.

Мельников роботанзо перть калавтызе комсомольской организацианть. Кодамояк воспитательной работа комсомолетнэнь ды не-союзной од ломантнэнь ютксо эзь ветя.

Сень таркас, штобу витемс эсинзэ бездействитнэ ды арамскев комсомолонь примерной членкс, Мельников эрва чистэ кармасть винадо симеме. Комсомольской промксонь а сакшны, ды кодаткак порученият а топавты.

Июлень 9-це чистэ ютавтозель Ворошиловлемсэ колхозонь парторганизацианть панжозь промкс, козонь ульнест тердезь весе комсомолетнэяк. Мельников те чистэнькак чинь-чоп ульнесь иредьстэ ды мельганзо савсь кучтиемс 5 кучовкст, остаткаксась промксон-

тень иредьстэ ды матедевсь промксонь помещениясонть.

Те промксонть ульнесь ВЛКСМ-нь райкомонь секретаресь Арютин ялгась. Сон ламо кортась колхозонь роботанзэ асатыкстнэде, но эзь корта комсомолонь задачатнеде урожаень урядом шкастонть ды эзизе ливть лангс Мельниковонь неть разложивший тевтнэнь ды комсомолс сонзэ кадомадонзо.

Тее башка Мельников НСШ-сэ учитель, велесэ культурной весе виесь должен ветямс массовой работа колхозниктнэнь ютксо, кепедемс колхозниктнэнь активностест, толковамс од заемонть значениядонзо. Мельников жо яки иредьстэ, емавтызе колхозниктнэнь ютксо авторитетэнзэ.

ВЛКСМ-нь Игнатовань райкомонтень эряви ванномс вопросонть, можна ли кадомс Мельниковонь ВЛКСМ-нь членкс ды учительской работас.

У—д.

Филатов сезизе политзанятиянт

Морд. Давыдовань „Пролетариат“ колхозонь комсомолонь комитетэнт планонзо коряс, июлень 17-це чистэ эрваволь ютавомс политзанятиянт. Комсомолетнэ пурнавкшность весе, но сонсь комитетэнь секретаресь Филатов кадынзе комсомолетнэнь ды тусь личной тевензэ тееме. Стако ан-

сяк комсомолетнэ учость Филатовонь, сон яла теке эзь са ды комсомолетнэ тукиность кудова. ВЛКСМ-нь Кочкуровань райкомонтень эряви варштамс те тевенть лангс ды примамс мерат.

Велькор.

Кочкуровань р. н.

Дисциплинань калавтыця

Хлыстовка велесэ первичной комсомольской организациасо ульнесь комсомолец, коната калавтсь комсомолонь дисциплинанть эйсэ. Истямо комсомолец—Филиппов В. Сими сон мелензэ модемс винадо ды карми бушовамо: нельгси

од ломантнэнь кедьстэ балалайкат, яки эйсэст ды чумовтомо чави хозяйнэнт.

Ней те „комсомолетнэ“ каизь комсомолсто.

Комсомолец.

Якстереармеецнэ серма

Пасиба ленинско-сталинской национальной политикантень

№ ской воинской частьсэ, косо командованиянт вети Чекмасов майорось, культурно-бытовой, культурно-массовой роботань те-весь ладязь пек парсте. Якстере-армеецнэ оймсема чист ютав-нить пек парсте: якить морской пляжов, тейнить массовой гуляни-ят ды лият.

Вана, примеркс, июлень 12-це чистэ кой-кона физкультурниктнэ-якстереармеецнэ тейнест уп-

ражненийт, кой-конат жо эсь кельсэст выступленият. Аволь икеле ладсо а вечкить вейкест-вейкест национальностнэ, мекев лангт, прок вейке семья, братиники корт-нить, вейсэ оймсить ды лият.

Пасиба ленинско-сталинской национальной политикантень, кона скулминзе истя весе националь-ностнэнь.

Агеев Ив. И.

№-ской часть.

ЗЯРДО ПОЛУЧИТЬ КОМСОМОЛЬСКОЙ БИЛЕТТ?

Июлень 24-це чистэ Чамзинкань райкомось примась одс Пянгилай велень аволь союзной од ломантнэнь—колхозниктнэнь ютксо комсомолс. Примазь комсомолетнэ ульнест парсте анокт, содылизь ВЛКСМ-нь программанть ды уставонть. Теед мейле ютась ламо шка, но райкомось мезтькак а арси одс совавт комсомолетнэнь билеттнэнь максоманть кувалт.

Н. Атяшкин.

ОД ЗНАЧКИСТТ

Кочкуровань район. Пакся Тавлань комсомольской первичной организациася парсте аравтызе оборонно-физкультурной роботанть. Ламо комсомолет ды колхозникт од ломанть улить оборонань значок марто. Ней июлень 20-це чис таго ламо од ломанть максты нормат оборонань значоктнэ лангс. „ГТО“ значоконт лангс максты нормат 6 ломанть, „ПВХО“—24 ломанть, „ГСО“—27 ды „Ворошиловской стрелок“—12 ломанть. Нормань максомась моли.



Оймсима чистэ вирень парксо. (Саранск) Фотось Б. ВОЛГИНЭНЬ.

Пионерской отрядтнэ а роботыть

Чамзинкань район. Хлыстовка велень аволь полной средней шко-ласо ютась иестэ ульнест органи-зовазь пионерской кавто отрядт. Вейке отрядсонть вожатойкс ро-ботась Марискина Ольга, омбоце-сэнт—Дурнова.

Неть отрядтнэ икеле роботасть вадрясто, эрильть спорт, конатне ютнильть веселасто. Но вана састь кизнэнь каникултнэ, вожатойтне кадызь роботаст. Дурнова тусь

кудов-эсинзэ велес, Марискина кадовсь теск, но кодамояк работа а вети. Ней пионернтэ якить гал-стуктомо, ды кой-конатне прят ветить беряньстэ.

ВЛКСМ-нь райкомонтень эряви седе куруксто варштамс те орга-низацианть лангс ды седе курук организовамс пионернтнэнь-тован-тициантнэнь вадря весела ойм-сема.

Юнкор.

ОРГАНИЗОВАСТЬ ЭИКАКШОНЬ ЯСЛЯТ

Ардатовань райздравотделесь Ташто Ардатовань „Од эрямо“ колхозсо организовасть эйкакшонь

яслят ды площадка. Тень лангс колхозникатне отвечать вадря ро-ботасо.

Елисейкин.

Советкиэнэ престульной теванзэ

Советкин Н. Т. 1935 иестэ саезь ды те шкас путсь весе виензэ се-нень, штобу калавтомс Пикшня велесэ культурно-массовой робо-танть. Сон, клубонь ды библиоте-кань икелень заведующеесь, газе-татнэнь ды художественной лите-ратуранть явшиль таргамс кинень понгсь, истямо ладсо сон емав-тинзэ весе книгатнэнь. Гармошкат-нень макснесь эсинзэ ялганстнэнь, хулигантнэнень циничной моронь морсеме. Клубонт теекшнызе ка-чамов, рудазов келиякс. Колхозник марто апок позоря ды апок кройсе зярдояк эзь корте.

Весе тень кис 36 иестэ Светкин хулиганось ульнесь каязь комсо-молсто. Но тень кис сон эзь раз-на. Вельсоветсэ счетоводокс рабо-

тамсто аволь весть колсизе рево-люционной законностнэ. Ярма-конь, сывелень, мушконь недоим-катнэнь пурнамсто, сень таркас, штобу ветямс раз'яснительной ро-бота, сон совиль колхозникентень, апак кортне савль кудостонзо сех-те паро вештя ды мартонзо туиль вельсоветс.

Винадо симематне, хулиганст-вась—сонензэ ульнест эрва чинь тевекс.

Пикшнянь трудиятне пек энял-дыть прокуратуранть икеле, што-бу преступникент таргамс ответ-ственноссь.

Содыця.

ЛИССЬ НУЕМЕ

Чамзинка велень „Борьба за социализм“ колхозонь 2-це ды 3-це бригадатне июлень 19-це чистэ лиссь розень нуеме. Урожаесь паре, нуеви вадрысто. Куроксто кармить пиевсэме.

Н. Симдянов.

Чамзинкань район.

Чамзинкань район. Вишка Ремезенка велень „Красные всходы“ колхозонь 1-це бригадась июлень 15-це чистэ лиссь розень кенерезь таркатнень тарвазсо нуеме. Тарвазсо нуеме лисемадонть кавто-колмо чинь ютазь кавонест бригадатне лисить жнейкасо ды лобогрейкасо нуеме.

И. Степайкин.

0,03 ГЕКТАРОНЬ ТАРКАС—0,06 ГЕКТАРТ

Хлыстовка велень омбоцебригадань колхозницатне Зайцева, Кузнецова, Надькина ды лият суронь кочкоманть кувалт роботыть пек парсте. 0,03 гектартнень таркас, коч-

кить 0,06 гектарт. Сынь сайти обязательства, штобу роботам парсте ды куроксто.

Ал. Грошев.

Чамзинкань р-н.

Петр Косынкин

Розь пакся

Межавтомо паксясь
Сравтовсь пек келейстэ,
Сыреждия розесь
Стясь стенакс, сэрейстэ.

Тюжа штань кондямот
Бобкашка зернатне
Брусошка колостнень
Комавтызь модантень.

Мазый, покш паксяванть
Сэтьме варма пувси,
Розесь иневедекс
Волнасонзо нурси.

Те паксястонть суро
Сайдяно пек ламо,
Седеяк вадрысто
Карматан эрямо.

ШКОЛАСЬ КАДОВСЬ АЗОРТОМО

Кочкуровань район. Од тягловка велесэ школань заведующеесь Бизнигаев кизень каникулань школа тусь тонавтнеме, школанть кадыве беспризорнойкс.

Курок сы тонавтнема од иесь, но школанть кияк а аноксты. Ютась иестэяк школась ульнесь беряньстэ оборудовазь, тонавтницятне свал кельмесь ды ламот каднызь тонавтнемасткак.

Ней школась седеяк мезекскак а маштови. Потмо ендю стенатне каладсть, вальматне тапсезь, пенгт апак анокста, столтне, эземтне яжазь, ловома щетатне мезекскак а маштовить. Ушо-ендож школанть видзэ берянь. Кудонь шокчтне наксадот, завалинкатне каладот, крыльцась яжазь, секень вант чаговат.

Кодамо жо поведениязо сонсензэ Бизнигаевень? Сон шкслав яксесь иредьстэ, валяясь тонавтицятнень икеле ды кортнесь апаро валсо. Сон истя жо сеедьстэ севнохнось тонавтицятнень марто ды позорясь эйсэст: „Чаво пря потмот“, „дурак“ ды лия апаро валсо.

Бизнигаевень арась педагогической образованиязо, сон прядсь колмо класст, секскак мезеяк а чаркоти тонавтнемань тевсэнть.

Но мекс райОНО-сь сонзэ кирди школань заведующееск, а содатоно. Те безобразной положенияз а кирдеви ды седе тов кадомс кодак нельзя.

Велькор.

Райсоветэсь кирди тонавтнеманть

Б.-Березникень р-н. Косогорской аволь полной средней школасо ули военной кружок, кона тонавтицятнень аноксты оборонань значоктнень лангс норматнень максомо. Ней тонавтицятнень ули покш мелест тейнемс тренировка ды максомс нормат „Юной Ворошиловской стрелок“

значокот лангс, но арась патронт.

Осоавиахимень районной советэсь сень таркас, штобу кепедемс тонавтицятнень инициативаст, мекс-лангт, сынненст а максы патронт.

Н. Мокшов.

Пелить критикадотвь

Кочкурова. Од Тягловкасо кода уш цела ие а лисни стеной газета. Партийной ды комсомольской организациятне, вельсоветэсь ды колхозонь правлениясь стеногазетань нолдамонть ловить вишка тевекс ды овси а нолдтнить сонзэ

секс, што сын прок толдо пелить критикадонть, пелить седе, што колхозниктне стеногазетасонть кармить критиковамо сынст беспечной руководстваст.

Велькор.

Кода те истя лисни?

Аволь весть ульнесь сермадозь республиканской ды районной газетатнесэ Ардаговань почтасонть безобразиятнеде. Но неть безобразиятнень пест овси а арсить маштомс почтань руководителтне.

Вана пример: Ташто-Ардаговань од ломантне, „Ленинэнь киява“ газетанть ловныцятне, те ковстонть эзь получакшно вейкеяк номер „Ленинэнь киява“. Ансяк июлень 13-це чистэ „Ленинэнь кияванть“

таркас састь 3 экземплярт „Эрзянь коммуна“.

А чаркодеви, кода те истя лисни?

П. И. Мамаев.

Редакциянт пельде. Редакциясь получахны пек ламо сигнал почтовой отделениятнесэ безобразиятнеде. Вештяно МАССР-нь „Союзпечать“ руководителтнень пельде примамс мерат те безобразиянт маштоманзо коряс.



СНИМКАСОНТЬ: Испаниянь республиканской войскастнень мотоциклист Союзфото.

МАДРИДСКОЙ ФРОНТСОНТЬ ЯЛА МОЛИТЬ ПЕК ВИЕВ БОЙТЬ

Фашистской интервенттне ды мятежиктне яла тейнить пек виев атакат мадридской фронтсонть республиканской войскастнень каршо. Сехте виев бойть молить Мадридэнтэ эйстэ чи валгома ено Брунете, Кихорна, Вильянуэа де Перелес, Вильянуэа дель Пардильо, Вильянуэа дель Каньяда селениятнень районсо. Ансяк Вильянуэа дель Каньяда районсонть интервенттнень ды мятежиктнень савсь занямс 660 ысотанть; фронтонь весе остатка таркатнесэ фашисттнень атакатне тапазь сынст туртов покш емавкс марто.

Гвадалахарской фронтсонть, Арагонской кинть эйстэ чи валгома енов, республиканецтне тейсть виев нажим мятежиктнень позициятнень, карматнызь сынст кадомс окопонь зяряя линият. Мятежиктнень авиациясь июлень 20-це чистэ, валске, бомбардировизе Гвадалахара ошонть. Бомбардировкасонть кирвастезь церькова.

Фашисттне яла кучтнить Мадридэнтэ малас крупной подкрепления чилигема (арагонской) ды пелеве ено фронтнестэ.

(ТАСС).

АМЕРИКА—МОСКОВ ТРАНСПОЛЯРНОЙ ЛИВТЯМОНЬ АНОКСТАМОСЬ

Нью-Йорксто пачтить куля: американской содавикс летчик Мэттери яволявсь, што американской военной флотось прими участия Московов трансполярной ливтямонь анокстамосонть, штобу тонавтнемс прибортнень лангс магнетизманть влияниязо полярной

районтнестэ, ково модань магнетизманть виезэ пек покш. Самолетось ули оборудовазь кавто моторсо, 450 лишмень вийть эрьвась. Ливтямось учови августонь васепце читнестэ.

(ТАСС).

Ванькскавтомс библиотекатнень

„Ленинэнь киява“ газетасо июлень 16-це чистэ ульнесь сермадозь заметка, кона корты седе, што Кочкуровань райононь Од Тягловкань парткабинетсэнть кирдить ды макстнить ловномс из'ятой книгат.

Апак вант се лангс, што истямо сигнал ульнесь, библиотекань кона-кона роботниктне сень таркас, штобу ванькскавтомс библиотекатнень народонь врагтнень из'ятой произведениятнеде, сын кирдить эйсэст ды яшекшныть ловномс.

Чамзинкань районной библиоте-

касое те шкас яла кирдить Чесноковонь, Платоновонь, Дунашинэнь ды народонь лия врагтнень книгасть. Се лангс апак вано, што народонь неть врагтнень произведеният из'ятойть, библиотекасонть яла явшить эйсэст ловныцятнень.

Чамзинкань районной библиоте-кань заведующеентень эряви ванькскавтомс библиотеканть народонь врагтнень из'ятой произведениятнеде.

Н. Симдянов.

Чамзинкань район.

СТУВТОЗЬ ТЕВ

Оборонно-физкультурной роботась умок уш кармась улеме стувтозь тевекс Од Тягловка велесэ. Тосо вейкеяк комсомолец ды аволь союзной од ломань а кантли оборонно-физкультурной значок—ГТО, ПВХО, ГСО ды „ВС“.

Зярдо бути тосо ульнесь физкультурной площадка, косо уль-

несь ансяк турник, рамсест футболгак, но сон умок уш сезнезь.

Комсомолецтне якить ды ледстнить сень, кода парсте ладзель сынст велесэ оборонно-физкультурной роботась. Комсомольской организациясь жо стувтызе те те-венть.

Велькор.

Редакционной коллегия